

Aningaasaqarnermut Ataatsimiititaliap suliaq nr. 01.31.06/08-00390 pillugu arfininngornermi ulloq 13. december 2008-mi aalajangiinera pillugu Naalackersuisunut ilisimatitsineq

(Naalackersuisut siulittaasuata ulloq 4. december 2008-mi aalajangigaa nr. 378)

Inuussutissarsiornermut Suliffeqarnermullu Naalackersuisoqarfiup iluani missingersuutitut sunniuteqanngitsumik ilassutitut aningaasaliissuteqarnissamik qinnuteqaat

Naalackersuisut **inassutigaat**,

kontomi pingaarnermi 62.01.01-mi, Inuussutissarsiornermut, Suliffeqarnermut Inuussutissarsiutinillu Ilinniartitaanermit Aqutsisoqarfimmut, allaffissornermut tunngasumi aningaasaliissutit 3.425.000 koruuninik qaffaavigineqassasut,

kontomi pingaarnermi 62.30.05-imi, Isumaginninnermi Naammagittaalliuuteqartarfimmut tunngasumi aningaasaliissutit 1.100.000 koruuninik qaffaavigineqassasut,

kontomi pingaarnermi 64.01.01-imi, Inuussutissarsiornermut, Suliffeqarnermut Inuussutissarsiutinillu Ilinniartitaanermit Naalackersuisoqarfimmut, allaffissornermut tunngasumi/ aningaasaliissutit 500.000 koruuninik qaffaavigineqassasut,

kontomi pingaarnermi 62.04.09-mi, Suliffeqanngikkallarnermi ikiorsiissutitut tunngasumi aningaasaliissutit 175.000 koruuninik qaffaavigineqassasut,

kontomi pingaarnermi 62.04.05-imi, Piareersarimmut tunngasumi aningaasaliissutit 2.500.000 koruuninik appaavigineqassasut,

kontomi pingaarnermi 62.30.01-imi, Isumalioqatigiissitanut Ataatsimiititalianullu Aqutsisoqarfimmut, allaffissornermut tunngasumi aningaasaliissutit 1.100.000 koruuninik appaavigineqassasut

kontomi pingaarnermi 62.30.03-mi, Eqqartuussisut suliaannut aningaasaliissutitut tunngasumi aningaasaliissutit 100.000 koruuninik appaavigineqassasut,

kontomi pingaarnermi 62.30.04-mi, Ineqarneq pillugu Maalaaruteqarfimmut tunngasumi aningaasaliissutit 800.000 koruuninik appaavigineqassasutq aammalu

kontomi pingaarnermi 62.30.06-imi, Nalunaarasuartaateqarnermi nakkutilliisunut tunngasumi aningaasaliissutit 700.000 koruuninik appaavigineqassasut

Aningaasaqarnermut Ataatsimiititaliap oqaaseqaatai

Kvartalit pingajuanni missingersuutitik malinnaaviginninneq tunngavigalugu Inuussutissarsiornermut Suliffeqarnermullu Naalackersuisoqarfiup iluani aningaasaliissutitik arlalinnik nuussinissaq qinnutigineqarpoq.

Tassunga atatillugu missingersuusiornermut inatsimmi § 25, imm. 1 innersuusutigineqarpoq, tassani imatut allassimasoqarluni:

"Ukiup aningaasanut inatsisip atuuffiata ingerlanerani nutaanik aningaasaliissuteqarnissamut oqaasertaliussaqaarnissamullu imaluunniit aningaasaliissutitik oqaasertaliussanillu allanngortitsinissamut piunasaqaataavoq Inatsisartut Aningaasaqarnermut Ataatsimiititaliaat Inatsisartut sinnerlugit akuersissuteqaqqaarsimassasoq."

Ukiup naalivinnerani aningaasaliissutit allanngortinneqarnissaat pillugit qinnuteqaatit nassiunneqartarnerat naapertuutinngitsoq ataatsimiititaliap ukiut arlallit ingerlaneranni akuttunngitsumik eqqaasitsissutigisarsimavaa, taamaattoqartillugumi pineqartoq tassaagajuttarmat aningaasaliissutit atoriikkallu akornanni naatsorsuutitigut naapertuuttunngortitsinissamik

siunertaqarluni aningaasat atorineqareerneranni aningaasaliissuteqarnissaq. Aningaasat atorineqareerneranni aningaasaliissutit Aningaasaqarnermut Ataatsimiititaliamit akuerineqarsinnaangitsut missingersuutit pillugit inatsimmi allassimavoq. Taamaalilluni aningaasat atorineqareerneranni aningaasaliissuteqarnissaq suliama matumani qularnanngitsumik pineqarmat qinnuteqaat ataatsimiititaliamit akuerineqartussaangikkaluar poq. Taamaakkaluartoq Naalakkersuisoqarfiup aningaasaliissutitigut nammineq killissarisami iluanni aningaasalersuutissat nassaarisimmagut, taamaalillunilu nunatta karsiata inernerajorseriartinneqassanngimmat ataatsimiititaliamit qinnuteqaat immikkut akuerineqarsinnaavoq. 2009-mi naalakkersuisoqarfiup iluani missingersuutinik ingerlaavartumik piffissarlu eqqorlugu malinnaanissap pisariaqarnera annertusisamik eqqumaffigineqassasoq ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangernera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua